

《觀自在菩薩化身龔龔哩曳童女銷伏毒害陀羅尼經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 21, No. 1264a

No. 1264

觀自在菩薩化身龔龔哩曳童女銷伏毒害陀羅尼經

開府儀同三司特進試鴻臚卿肅國公食邑三千戶賜紫贈司空諡大鑒正號大廣智
大興善寺三藏沙門不空奉 詔譯

如是我聞。一時薄伽梵。住舍衛國祇陀園。與大苾芻眾千二百五十人俱。又與無數菩薩摩訶薩。及天龍夜叉八部眾等皆來雲集

爾時如來告諸大眾。我念往昔。住雪山北遊香醉山。見一童女。百福相好莊嚴其身。鹿皮為衣。以諸毒蛇而為瓔珞。將諸毒虫虎狼師子。前後圍遶常為伴侶。飲毒菓漿食毒草菓。彼女見我作如是言。仁者聽我宣說一大真言。能除世間一切諸毒。若人聞此呪及念我名者。不被一切諸毒所害。爾時童女為我說呪。我得聞已。常持此呪饒益有情。我今當說真言曰

怛儻也他唵(引)壹哩蜜帝(引)底(丁壹反)哩蜜帝壹哩帝哩蜜帝(引)努迷努麼(引)哩(引)曳(引)訥泚訥蹉(引)哩曳得羯囉拏(尼貞反)嚩揭囉拏揭濕弭嚩(引)揭濕弭囉目訖帝(二合)惡祇惡伽儻惡伽娜惡伽曩伽儻壹哩曳壹哩壹哩曳阿佉夜(引)曳始(烏合反)播夜曳濕吠帝(引)濕吠多頓孃阿曩(引)努囉乞砂(二合)伺嚩(二合)訶

佛言諸苾芻。若人一聞此呪。却後七年遠離諸毒。若人常念者。一切毒虫及諸毒藥悉不能害。若有毒蛇來咬此人者。其蛇即爛壞。其有受持此呪法者。以白物先供養師。然後受之法必成就。勿於蛇邊念此呪。其蛇即死死已令其甦活呪曰

怛儻也他伊哩彌哩誡囉彌左斫骨嚕斫骨魯斫骨論斫骨論誡囉彌拏句吒句吒曳帝娑普吒娑普吒曳帝那揭黎那伽折迦蘭底哩壹掣囉佛沙尸怛囉卑怛囉悉普吒悉普吒伺嚩(二合)訶

若人念一遍。經年諸毒不中。若能常持非言外毒消滅。亦除內三毒。若惡瘡發背癰腫等病。唾之念呪即差。一切惡獸來。但念七遍即過不能為害。若為中毒。處於中指上頭第一節文。左右手邊瘡。逆日轉念呪三七遍即差。常念不得高聲。高聲則有毒虫必死。若惡虫死已。以此呪解之即活。念三七遍。解毒呪曰

怛儻也他壹哩彌哩議哩那伽斫伽蘭底哩壹掣囉合沙鷄怛吒悉怛吒担吒悉怛吒伺嚩(二合)訶

若人患發背。逆日轉遶倒書一匝即差。惡物自出大有神驗

佛說是語已。大眾歡喜授時而起

藁囊哩曳童女銷伏毒害呪經